

ABRAHAM AWA ISAAC

Genesis 22:1-18

ỌYỌHỌ UKPEP-ŃKPỌ 11

Eke Mkp̄arawa

IKỌ IBUOT: “Abasi eyeyom eyen erọñ uwa ọnọ idem Esie” (Genesis 22:8).

Udomo

Isaac akamana ke ediwak isua ema ekebe tọñọ nte Abasi ọkọñwọñọ ete iyenọ Abraham eyen. Ubiat ini emi ama ekpep Abraham ndinyene ime ye mbuọtidem ke Abasi. “Edi mbuọtidem ibọhọke enye: enye owuk enyin ese uñwọñọ Abasi, inyuñ iyikke ke unana mbuọtidem, edi akabare enyene odudu oto ke mbuọtidem, ọnọ Abasi ubọñ: onyuñ otim obure ọfiọk ete, Abasi ekeme ñko ndinam se Enye ọkọñwọñode” (Nw̄ed Mbon Rome 4:20, 21). Abraham ye ñwan esie ema ekop inemesit eti-eti ndinyene eyen eñwọñọ emi ke ini usọñ mmọ. Mmọ ema eneñere ema eyen emi eti-eti. Abraham ama odomo Abasi ese, kpa ntre Abasi ama onyuñ odomo Abraham ese. Abasi ama ada ọkpọsọñ idomo etiene enye. Abasi ama okot Abraham ndien enye ọbọrọ usọp-usọp ete, “Se, ami mi.” Abasi ọkọdọhọ Abraham ete ada Isaac akanam edifọp uwa. Mme item oro Abasi ọkọnọde enye ekedi ata iñwañ-iñwañ. Enye ama etiñ ọnọ Abraham nnen-nnen itie emi edinamde uwa, ndinyuñ ñwa eyen esie kierakiet emi enye akamade eti-eti.

Idighe se ikpade owo idem nte ke ndusuk owo ekpekedomo ndinyik Abasi ndikpuhọre se Enye okoyomde, ke nditi Abasi nte ke Enye ama anam eñwọñọ ete ke iyenam Abraham edi ete ediwak mme idut, ndien ke akpanikọ Abasi ikponyimeke baba ñkpọ kiet otibe ọnọ eyen esie kierakiet. Ekeme ndidi ndusuk owo ekpekedọhọ Abasi ete ke iyenọ ñkpọ efen ekededi, koro imade eyen mme imọ eti-eti idisanake iyak. Odu mme owo emi ekpedomode ndikere ete ke mme imọ ikotimke ikop, ñko ke Abasi ikotimke isọñọ se Enye eketiñde. Edi Abraham ama abak edemere ke usen ubọk ọtọñọ isañ ndika Obot Moriah.

Ebeñe Idem Ndikop Uyo

Abraham ikanamke uyom man mbon efen ekop enyuñ ekut. Enye ikoyomke mbọm ito baba owo ndomo kiet. Emi edi se ikadade itie ke ufọt Abasi ye Abraham, emi ñko ekedi edisana ñkpọ ọnọ Abraham. Inyuñ iduhe ke ñw̄ed nte ke enye ama etiñ ọnọ baba owo kiet, kpa idem eka eyen oro. Edi Abraham ama aka ye ọyọhọ mbeñeidem ndinam uyo Abasi. Enye ama ada ifia, ikwa, ikañ, uruk ndida mbọp ñkpọ uwa, ye uwa emi edide eyen esie “kierakiet” Isaac. Abraham ama ama Isaac. Ekpekedidi ñkpọ ubiak ọnọ enye kpa nte ekpedide ọnọ ete ekededi ndinam ye ñkukure eyen esie. Emi ekedi ata ọkpọsọñ idomo, edi Abraham ama okop uyo Abasi. Enye ikebetke, ikonyuñ itreke ndikop uyo Abasi.

Ke Abraham ama akasaña usen ita enye ama okosim ebiet oro Abasi okowutde enye ete awa Isaac. Abraham ama etiñ ye nditọ ufọk emi ekesañade ye enye ete, “mbufo etie mi ye ass nnyin; ndien ami ye eyen mi iyeka ko ikọbọñ akam, ndien ifiak itiene mbufo.” Ifiak itiene mbufo! Nte Abraham ama eneñere otim ekere ete ke Isaac eyefiak ọnyọñ ye enye? Ih, ama odiọñ. Abraham, “Sia okonim ete, Abasi ekeme ndisio enye ke otu mme akpa-mkpa nnam enye eset” (Mme Hebrew 11:19).

Eyen-Erọñ Abasi

Nte ete ye eyen ekesañade eka, mmọ ema eneme nneme. Abraham ama ekpep eyen esie abaña nte efọpde uwa enọ Abasi. Isaac ama okut ete ke eyen-erọñ iduhe. Kpukpru ñkpọ eken emi ekeyomde ndida mfọp uwa ema edu. Edi ñkpọ uwa odu mmọñ? Abraham ọdọhọ ete, “Eyen mi, Abasi eyeyom eyen erọñ uwa ọnọ idem Esie.”

Abraham ama etiñ ntiñ-nnim-ikọ. Abasi ama ọnọ Idem Esie eyen erọñ uwa kpa ikpọñ Eyen emi Enye okobonde, Jesus Christ. Ke ediwak isua ema ekebe, John baptist ama okut Jesus onyuñ ọdọhọ ete, “Sese, Eyen-erọñ Abasi emi emende mme idiọk-ñkpọ ererimbot efep” (John 1:29). Isaac emi ete esie akawade ke Obot Moriah ekedi mbiet Jesus, emi akayakde Idem Esie ọnọ ke abaña mme idiọk-ñkpọ ererimbot.

Onyime Onyuñ Okop Uyo

Isaac ama onyime. Enye ama okut nte ediọñde itie uwa ye nte etañde ifia etim ebon. Afo ekere ete eketie enye didie ke idem ke ini ete esie adade uruk ọbọp enye emen odori ke ifia itie uwa? Nnyin imotim ineñere ifiọk ite Isaac ikeñwanake ndikpọk uruk oro, ikonyuñ isuñike ete esie, ikonyuñ inimke iso esie nte

edi ñkpọ esuene ke enam enye. Isaac ama onyime onyūñ okop uyo ete esie ye eke Abasi. Abraham ama ama enye eti-eti oto ke mme odot ukpono ido oro enye akanamde. Nditowōñ ifań ekpetre ndidohọ, “Ami nyimeke,” mme, “Afo unyeneke unen.” Mme, “Afo umaha mi.” Ndusuk nditowōñ iyomke ete ye eka mmọ esuk ibuot enọ Abasi; mmọ ebiqñọ mme ete ye eka ndinam ñkpọ nnọ Abasi; mmọ eda iduọ esit ye mfuhọ enọ mme ete ye eka oto ke ntak nsqñ-ibuot mmọ. Ke ini nditọ ebọde erinyańa, mmọ eńwam mme ete ye eka mmọ ndinam ñkpọ nnọ Abasi. Ke ini ete ye eka mmọ ekpenyenede ifet ndika Utom Qbqñ, nditọ enyime nditie ke ufok. Mmọ esitiene mme ete ye eka mmọ ebqñ akam enyūñ eńwam mmọ ke akam. Mmọ ediana ye mme ete ye eka enyūñ esqñọ mmọ idem ndinam se Abasi oyomde mmọ enam, kpa nte adiaha Jephthah emi okodohode ete, “Ete mi, edieke afo okokuborede inua fo onọ Jehovah, nam ye ami kpa nte okoworode fi ke inua” (Judges 11:36). Isaac ekebiet Jesus adańa nte enye okonyimde ndikop uyo.

Usop Iborọ

Abraham ama emen ikwa onyūñ emenere ubok esie ke enyqñ. Kpa ke ndo-ndo oro uyo ama okot enye ete, “Abraham, Abraham.” Enye ama qbqrọ ete, “Se ami mi.” Angel Jehovah eketiń ikọ onọ Abraham, ndien ama qfon koro enye okqbqrọde usop-usop. Enye ama ekeme ndikpayak angel oro okot otqñ ntak okot. Enye ama ekeme ndikpetiń nte ke inam ñkpọ. Enye ama ekeme ndibet tutu enye anam se Abasi okodqñde enye ete anam ama. Eyak nnyin ida ukpep-ñkpọ ito Abraham ke ndibqrọ usop-usop. Abraham ndikqosqos mbqrọ ekedi se inemde enye esit nte ikutde mi. Angel ama onọ etop emi okotode Qbqñ. Enye okodohọ ete: “Kuda ubok fo utuk eyen oro, kunyūñ unam enye baba ñkpọ kiet: koro ke emi ke mfiok nte afo efefehe Abasi, afo unyūñ usinke mi eyen fo kierakiet.” Okposuk edi, Abraham ama onim ete ke Abasi eyefiak onọ imọ Isaac, edi enye ikekereke ite editibe ke utọ usuń emi. Ndien sese okukim ke edem emi nnuk esie okomode ke mfuhọ ikot. Abraham emen enye qfqr uwa, utu ke ndiwa eyen esie. Abasi okqonọ enye ete ada awa.

Edomo, Onyūñ Anam Akpanikọ

Ke esit Abraham, enye amanam uwa oro okure. Abasi ama okut mbuqtidem ye ñkop uyo ke esit Abraham. Abasi emekeme ndikut se idude ke esit nnyin. Ndusuk ini Enye onyime edomo nnyin ndiwut se idude ke esit nnyin. Ediwak ini mme owo ebqñde akam ke ñkpọ itie eseme, mmọ ayak mbon ufok mmọ ye idem mmọ ñko enọ Abasi. Ke ñkań Abasi, Enye ekeme ndidomo mmọ nse man qfiok mme mmọ eneńere enam akpanikọ ke ediyak idem mmọ nnọ Abasi. Mfin mme anditiene Abasi iwotke inyūñ ifopke mbon ufok mmọ ke ikań, edi mmọ ema Abasi ekan nte emade owo, inyūñ iyakke mmọ efen ebiqñọ mmọ ndinam ñkpọ nnọ Qbqñ. Mme anditiene Christ ke ñkań spirit, ayak mbon ima mmọ edori ke ñkpọ itie eseme, ayak mmọ enọ Abasi enyūñ ekpqn mmọ do ke ubok Abasi.

Mme Edidiqñ

Baba ñkpọ ndomo kiet iketakke Abraham ke ndikop uyo Abasi. Utu ke oro, enye ama qbq mme edidiqñ, ndien Abasi ama otqñ ntak edemere eńwqñ Esie ye Abraham. Abasi ama qñwqñ onọ Abraham ete ke ubon esie editie nte, “ntan emi odude ke mben inyań” -- Abasi eyetim qdiqñ Abraham ye ubon esie. Abasi ama odohọ enye, “kpukpru mme idut ke ererimbot eyenyūñ ekut mfqn eke otode ke ubon fo, koro afo ama okokop uyo mi.” Abasi ama ebem iso etiń emi onọ Abraham, edi Abraham ekenyene ndisuk ibuot nnọ Abasi man eńwqñ emi qworọ osu. Mme ndimek ikot Abasi, mme Jew, edi ubon Abraham. Mme anditiene Christ ke akpanikọ ekabade edi nditọ Abraham ke mbuqtidem. “Efiok ndien ete, mmọ eke mbuqtidem edi nditọ Abraham” (Ñwed Mbon Galatia 3:7). “Edi edieke mbufo edide eke Christ, mbufo enyūñ edi nditọ Abraham; nte uńwqñ edide” (Ñwed Mbon Galatia 3:29). Ke akpanikọ, eńwqñ emi Abasi akanamde onọ Abraham ama osu.

Obot Moriah

Obot emi Abraham okqbqrde itie uwa man awa eyen esie edi ata akpan ebiet. Akpa itie uwa emi Abraham okqbqrde edi mbiet erinyańa emi Jesus, Eyen Erqñ Abasi anamde edi mmem-mmem onọ owo oto ke Enye ndiduok Iyip Esie ke Calvary. Mme itie uwa efen ema edu emi ekeqbqrde ke Obot Moriah ñko.

Ema ewuk David, edidem Israel, ete qbqr itie uwa ke itie ubek ibokpot Araunah Jebusite. David ama ekpe ekqm urua nte ekekemde ndidep isqñ oro nto Araunah, okposuk edi andinyene okoyomde ndiyak nnọ enye ke mfqn. David odohọ ete, “Edi nyebq fi ke ekqmurua: ndinyūñ mfopke edifop uwa nnọ Jehovah Abasi mi ke se mikipaha mi baba okuk kiet” (2 Samuel 24:24). Qyqhọ itie uwa iba emi ekeqbqrde ke Obot Moriah

edi se edade edomo ke oyohọ enọ mfon iba, emi edide edinam asana, emi owo obode oto Obon ke ini enye ayakde uwem esie ntotuño-ntotuño onọ Abasi. Se Oyohọ Ukpep-Nkpọ 247.

Ke Obot Moriah emi ke Solomon okobop temple nko. Mme edidiñ emi Abasi akañwañare ofuk ke usen emi ekeberede usuñ Temple oro edi mbiet uduok mmñ Edisana Spirit. Mme oku 120 ema edu emi ema ekenam esana, kpa nte ndisana ndito Abasi 120, emi ekedude ke esit kiet, emi ekebode Edisana Spirit ke Usen Pentecost (Utom Mme Apostle 1:15; 2:1-4). Adaña nte ekediñde Temple, mmọ ekop nte, “enamde uyom ke uyo kiet, ekom enyuñ etoro Jehovah” (2 Chronicles 5:13). Ubñ Abasi oyohọ ufok, ndiwut unyime Obon ye nte Enye odiñde mme owo. Se Oyohọ Ukpep-Nkpọ 258.

Nte afo amanam itie uwa ita onọ Obon? Akpa, ke ini Iyip Jesus okokwohorede mme idiok-nkpọ fo efep ema enyaña fi; oyohọ iba, ke afo ama akanam ntotuño ediyak idem ema enyuñ enam fi asana; oyohọ ita, ke ema ekeyohọ fi ye odudu edinam utom, ndien ema enim fi baptism eto ke Edisana Spirit ye ikañ. Nte afo omobọ kpukpru mme enọ mfon Abasi ita emi?

MME MBUME

- 1 Anie edi ete mbuotidem?
- 2 Isaac ekedi eyen anie?
- 3 Ntak emi Abraham akakade Obot Moriah?
- 4 Nso ke enye akada aka do?
- 5 Nnyin ikeme didie ndidiñọ nte ke enye ama onim ke akpanikọ ete ke Abasi eyenim eyen esie ke uwem?
- 6 Nso ke ekewot eda efop uwa?
- 7 Anie edi Eyen-Erñ Abasi?
- 8 Nso ke Abasi akanam onọ Abraham sia okokopde uyo?